0.0.1 tinakatthasuttam

- 1. evam me sutam ekam samayam bhagavā sāvatthiyam viharati jetavane anāthapindikassa ārāme. tatra kho bhagavā bhikkhū āmantesi 'bhikkhavo'ti. 'bhadante' ti te bhikkhū bhagavato paccassosum. bhagavā etadavoca:
- 2. anamataggoyam bhikkhave, samsāro, pubbā koţi na paññāyati avijjānīvaraṇānam sattānam taṇhāsam-yojanānam sandhāvatam samsaratam. seyyathāpi bhikkhave, puriso yam imasmim jambudīpe tiṇakaṭṭhasākhāpalāsam, tam chetvā¹ ekajjham samhareyya, ekajjham samharitvā caturaṅgulam caturaṅgulam ghaṭikam karitvā² nikkhipeyya, ayam me mātā, tassā me mātu ayam mātāti. apariyādinnāva bhikkhave, tassa purisassa mātu mātaro, assu. atha imasmim jambudīpe tiṇakaṭṭhasākhāpalāsam parikkhayam pariyādānam gaccheyya. tam kissa hetu? anamataggoyam bhikkhave, saṃsāro, pubbā koṭi na paññāyati avijjānīvaraṇānam sattānām taṇhāsaṃyojanānam sandhāvatam saṃsaratam.
- 3. evam dīgharattam vo³ bhikkhave, dukkham paccanubhūtam, tibbam paccanubhūtam, vyasanam paccanubhūtam, vyasanam paccanubhūtam, kaṭasi⁴ vaḍ-

pts page 178

¹tacchetvā - sīmu, pts, gahetvā - sī.

²katvā - machasam.

³dīgharattam kho - syā.

⁴katasī - machasam.

dhitā. yāvañcidam bhikkhave, alameva sabbasankhāresu nibbinditum, alam virajjitum, alam vimuccitunti.